

顯無邊佛土功德經

戊

大唐三藏法師玄奘譯

如是我聞一時薄伽梵在摩揭陀國
閑寂法林坐妙菩提金剛堅固无量
妙寶共所在嚴紅蓮華臺師子座上
與十不可說俱那多百千佛土
極微塵數大菩薩俱及諸天人阿素
洛等無量大眾前後圍繞

尔時會中有一菩薩摩訶薩名不可
思議光王承佛威神從坐而起頂礼
佛足合掌恭敬而白佛言世尊諸佛
國土時分莊嚴有勝劣不佛言善男
子我此索訶世界釋迦牟尼佛土一
切於極樂世界无量光佛土為一晝
夜極樂世界一切於袈裟幢世界金
剛堅固歡喜佛土為一晝夜袈裟幢
世界一切於不退輪音世界極妙圓
滿紅蓮敷身佛土為一晝夜不退輪
音世界一切於絕塵世界法幢佛土
為一晝夜絕塵世界一切於明燈世
界師子佛土為一晝夜明燈世界一
切於妙光世界遍照佛土為一晝夜
妙光世界一切於難超世界身放法
光佛土為一晝夜難超世界一切於

莊嚴世界一切神通慧光王佛土為

一晝夜莊嚴世界一切於鏡輪世界

月覺佛土為一晝夜善男子如是世

界展轉漸增滿十不可說俱那多

多百千佛土極微塵數世界佛土寂

後世界佛土一切於蓮華德世界賢

德佛土為一晝夜於彼世界諸菩薩

眾修治殊勝普賢行地善男子如諸

世界晝夜漸增如是諸佛壽量身相

菩薩世界莊嚴亦尔由彼有情福轉

增故若有善男子善女人聞此顯示

无邊佛土功德法門歡喜信重受持

讀誦如理思惟廣為他說臨命終時

十方佛土無量諸佛皆現其前慰喻

讚美令其增進无量善根隨願往生

諸佛淨國乃至無上正等菩提於生

生中常憶宿命修菩薩行速得圓滿

時薄伽梵說此經已不可思議光王

菩薩摩訶薩并諸天人阿素洛等一

切眾會聞佛所說皆大歡喜信受

奉行

顯無邊佛土功德經

庚子歲高麗國大藏都監奉

勅彫造

顯無邊佛土功德經

校勘記

一 底本，麗藏本。

一 八二五頁上一行經名下，徑、清有

夾注「與華嚴經壽量品同」。

一 八二五頁上二行首字「大」，南、

徑、清無。

一 八二五頁上二行末字「譯」，諸本

（石無此經）作「奉詔譯」。

一 八二五頁上一五行「袈裟」，諸本

作「迦沙」，下同。